

皇清文穎續編

皇清文穎續編卷五十一

詩

樂府

平定金川凱歌二十四解

謹序

諸錦

國家當全盛之朝重熙之世海外有截悉主悉臣
蠢爾金川自作不靖延以歲月尚屬冥頑

皇上用是震怒爰

命經畧大學士忠勇公臣傅恒

授以方畧時惟乾隆十三年戊辰仲冬三日飲餞興
師當午日升雲物煥朗所經驛路倍站兼行濟
以師武臣力梯雪履冰采入其阻碎礪誅謀一
戰而摧不浹月而莎羅奔等窮無顧藉稽首膝
行革面摠心投誠乞命我

皇上天覆地涵義正仁育逆則討之降則受之文德
武功包荒整旅責以莎羅奔六事罔不率從
特允大學士所請奏凱虎旅懽呼里開頂祝是皆

廟算

天威賴及萬方有慶重以

聖母皇太后垂慈德溥無疆所謂禁虢戢奸保大定

功安民和衆豐財武有七德實曰於茲

臣

不勝

懼忭踴躍謹作從軍樂二十四解以附於凱歌

之末用以見天保治內采薇治外彰邇隆之大

化焉

敵愾重敵愾驅我數駢駘

天上下神兵努力九折坡

一解

前頭看後頭齊戴鐵兜牟前行連後行齊著繡襦褠

二解

千金辦鞍馬百金製寶刀我歌蘭陵王火伴看孟勞

三解

斫却楊柳枝絲多亂人思丈夫圖麒麟決勝橫草馳

四解

誰奪綠沈槍誰占礪樓營誰竊佛耶機誰畧內地兵

五解

誰虐爾隣番誰盜我馬匹蠢爾抗

天朝壓境轟雷疾

六解

誅謀斬鯨鯢受降還服叛主將有神機

皇猷多勝算

七解

渠魁赦不殺厥用稽首降虎帳樹旌門番部爲駿厖

八解

始去雪罪罪來歸柳濯濯凱歌入

國門從軍古云樂

九解

莫誇李衛公高築籌邊樓請看建生祠遠過悉怛謀

十解

莫羨武鄉侯川有籌筆驛試看摧金酋我有八陣石

十一解

回紇莫跋扈推誠郭令公李愬具櫜鞬肅揖裴晉公

十二解

往者蜀道難卽今蜀道易融爲日月光海宇銷兵氣

十三解

震以克鬼方豫以利行師大有公用享无妄茂對時

十四解

卡撒具夫馬來自刮耳厓昔爲獯與豺今爲楸與檟

十五解

牛羊滿原野皮幣堆山邱壺漿迎夾道供帳羅前騶

十六解

蜀民鼓吹喧嬌歌與急管不數千足羊更有萬民繖

十七解

男耕亦有饒婦織亦有裳吉甫萬邦憲南仲獫狁襄
十八解

飲至宴太平

策勲榮

特進雙翎豹尾槍上公兼相印
十九解

閱閱書青史

神聖勒豐碑鴻號垂無窮置郵遜德綏
二十解

皇帝授方畧銜命卽驅馳相臣神且武寧得久勞師
二十一解

皇帝有恩言偕朕贊昇平相臣忠且勇已事卽遄征
二十二解

皇帝承

聖母愷惻復慈祥

告

廟謁

三陵顯比開明堂

二十三解

三皇世如春五帝世如夏晉

祝

萬年觴樂天保天下

二十四解

平定金川雅四篇

梁詩正

有繹美出師也

上命相臣恒西征

特行推轂之典復親餞焉

有繹西土邛笮作圉萇爾金川嵎險是阻鄰壤是侮
煩我戎旅 一章

爰植我矛爰設我弓敢固爾墉弗迓我攻曰重巖是
宮 二章

皇怒斯赫迺集羣策桓桓相恒邦之柱石投袂請行
孔武且懌 三章

皇曰汝恒汝其西邁予推汝轂汝專閭外克掃欃槍
維予斯惠 四章

廟算孔長我伐用張

皇親餞之貝冑其光旨酒其芳戎車載揚用綏我西

疆
五章

右有繹五章三章章六句一章五句一章七

句

戎車翦二豎也良爾吉阿扣爲賊耳目經畧至

營卽擒斬之諸番懽服

戎車旣西相恒之傑旦河之秣夕蜀之轄修途轍梟

遂溯厥穴 一章

厥穴匪遙乃陟崇椒六師如雲如雲如濤嗟彼遊魚

釜鬻曷逃 二章

粵茲二豎肘腋斯挾恃其狡悖實夷之謀數辭以戮

駢首俯帖昔嶺左右罔不震疊 三章

乃培崇垣崇垣則頽乃伐高林高林則摧乃礪我刃

乃淬我鋒中堅是衝允焉獻功 四章

右戎車四章二章章六句二章章八句

繁雲番酋降也孤壘窮蹙稽顙乞命

天子赦之以綏寧荒服

繁雲其垂條風聿吹番酋旣讐旣讐且哀乞貲餘生

延頸思來一章

有嚴上相秉猷克壯屏除柞械蒙穢斯蕩弗允其求

以遄厥向二章

皇曰念哉我冒孔恢誰非我民是翦是夷在昔用師

彼昏則迷旣服爾辜子其宥之三章

爾戈旣投爾甲旣積遂詣壘門弭耳搯額鄰行蛇伏

戰戰兢兢約法永遵面汗心革

四章

崇壇載設元戎聿登羣侯咸在赫赫明明告以

皇威涕泗沾膺

皇威旣宣六師乃旋

五章

右繁雲五章二章章六句三章章八句

鸞鑣告成功也

皇心悅豫闔澤覃敷鉅典鴻文次第修舉臣民樂觀

其盛焉

鸞鑣載和自彼山阿相鈞入秉嘉績孔多上公旣建
儀服有加

皇曰汝恒匪獨予嘉上承

慈宮亦惟汝庸

一章

慈宮之訓

帝德之運大化以翔佳兵益慎爰諏吉日

徽稱是晉景福無疆萬邦咸順

二章

春露旣滋春禘孔時我

皇孝思告成有儀曰此武功

祖

考之貽自東徂西象車載馳

三章

武功旣敷文德斯渥爰樹貞珉辟雍之度雄詞有倬

天子所作日月之光炳炳燿燿

四章

維

大清撫御克綏四宇西戎旣敘諧燮率土罔有內外

悉臣悉主天保采薇治隆於古於萬斯年其承

皇之祐

五章

右鸞鑣五章二章章十句三章章八句

平定金川饒歌八章

謹序

劉綸

欽惟

皇帝陛下睿聖文武德威遐邇凡有血氣罔不在宥

金川土酋莎羅奔者倣擾番落勤我

王師乃以穴鼠潛狐敢稽授首

皇帝念羣策之未集矧元臣之請行大選車徒

指授方畧自戒塗以迄誓衆有謀而斷靡堅弗摧小

醜斂魄蒲伏乞命

皇帝復緩幕府焚巢之請

沛朝廷祝網之恩納款班師中外禔福

策勲飲至神人畢懽徵諸往牒惟有虞之舞干格苗

姬文之因壘下崇庶足倫比其他鋪陳景鑠無

得而稱焉

臣

綸謹按漢世饒吹本周禮大司馬

有功凱樂之義魏繆襲吳韋昭並沿之至唐岑
參劉禹錫諸人或準以近體然其揚厲偉伐後
先一揆竊不揣凡猥擬撰饒歌八章以獻附於
瞽矇之末

睿圖應第一

睿圖應我武揚披王會攷職方征不諱提
天綱橙林棘路咸我堂皇我堂皇疇敢厝以忒大化
不爾外爾乃自速殛游魂在釜丐殘息

蠲剛日第二

蠲剛日爰

禡牙寄專聞

帝用嘉彼黑子憑幽遐瓜揃同類不安厥家天梯雲
棧徒迴斜期門攸飛魚以雅竚露布無留遮三軍告
語歸當無及瓜

出天彭第三

出天彭捫井絡星言輟舍匪橦匪索爾礪手摧爾城

肉薄崑岡之燄爾螢燭土囊之颺爾秋華蠻髻膽一
時落師行衽席人不知元戎得非天上來叶

俘孽豎第四

俘孽豎以尺組于以坐之招搖之下

叶

軍門霍霍開

齊斧蟻肺蜣肱無處所緣崖擣中虛犁庭須一鼓
帝有恩言還朝眷予輔無戰

王之征止戈

聖之武

翦孤雛第五

翦孤雛之翼不足以圜折窮獸之角不足以羅三宜
六慰嗟爾么膺昔狡營而獷走今變舞而渝歌洗兵
甲斟天河金川水長不波

桴桐鼓第六

桴桐鼓聲聾聵空戴頭効羅拜約六事呼
萬歲睢睢盱盱舐鎗而誓朝獻狀於鴻臚夕編名於
屬吏

磨崖石第七

磨崖石刊

典謨燕然銘庸足撫

日月出矣光天衢
匱參旂縣六符掛
弓樽桑東始旦
傳檄崦嵫西未晡

升

嘉壇第八

升

嘉壇薦

靈時惟

天

祖鑒有咫越多方頻送喜奉

慈徽介丕祉王公宰執卿士按冊披圖願得熙

鴻號我

皇不居曰若勲華詎哀益乎唐虞繼自今萬億年光

寶書

平定金川饒歌鼓吹曲七章

謹序

莊培因

乾隆十有三年冬

皇帝命大學士恒視師梁州是類是禡遂道秦隴以
行旣抵巴蜀踰邛崃之坂絕桃關梁沫水鑿昔
嶺羣番震懼莎羅奔面縛來降大學士以十二
月己亥至軍未五旬而金川平十四年春二月
望露布至

京師

天威遐播遠夷慕德上告

郊

廟神靈歡喜允宜發爲詩歌昭示無極

小臣

不揣固

陋輒采武有七德之義敬擬饒歌鼓吹曲七章
以獻

聖武昭第一

聖武昭震九區獷苗頑敢負嵎離寒燠稽天誅

帝赫怒神協謨

命元臣授虎符騰太白殲天弧王旅肅競前驅轟若
雷歘然趨讐封狼殊短狐獸之窮喪厥徒叩籠摧王
卒舒禁贊猛蔽周法跂與喙咸昭蘇

岷山崔第二

岷山崔涑水洑鑠王師靖蠻服

皇猷載定期信宿我弓在韃我矢在箠和夷係縲羅
百族被以渥澤弛刑梏臚歡踊躍效襁屬還師衽席

大豈樂芒芒萬里

皇風煥撫懷心廣禔福

廣輪第三

廣輪四海役俗卽敘維彼蘗牙是裒是扈大惟

帝暮邁常武暨暨上相務烈所赴赴帥臣入處其宇
功莫大安反側福莫長被無極保受民求懿德億萬
年象山則

蚍蜉喙第四

蚍蜉喙矣惟埴之安憑川阻嶺背邛峽以驩元臣秉
德受鉞有虔懸車束馬絕險艱肅爲濟哉定百蠻烈
烈大將旗幟戢戢受降壇維茲方與召統率皆赴桓紛
鐃鼓以嘲轟雪羽旄以飛揚羣番羅帳下獻幣輸牛
羊定武功

皇德彰威靈有赫行鬼方習爽闇昧曜天明永世晏
壽延美大光

井野遼第五

井野遼蠻繹騷奮敵愾民忘勞樂飛輓越巔嶢惟
帝之仁謂我民則病一夫不獲勤於

神聖輯綏異類康以定農耕婦織物成遂厥性雲之
油澤滂洋大德施民樂康

飛鶚翩第六

飛鶚翩懷好音憬金夷誕革心簫勺羣慝和萬靈凱
旋振旅揚天聲論功大饗昭慶成煌煌章服崇元勲
登歌

清廟大樂鳴韶宮吐角亮以清功被金石無與京兩
階干羽符虞廷

屢豐年第七

屢豐年奠九壺遠人來自百蠻輸寶納帙億兆同編
師之興日抱戴師之集祥霽會師之旋時雨霑襲休
徵惟叔載煌煌

大清朝休烈廓無外呶唔九譯要冠帶白環枯矢無
虛歲于胥樂兮千萬世

平定金川饒歌鼓吹曲九章

謹序

陳大受

臣

聞乾司虎首執參觸以厲伐坤爲龍尾拓河
漢以包荒是以玉麟象仁金彪示義青邱搏羊
水之兇丹浦戮犬戎之孽兩虬御姒軋防風之
專車八駿驂姬跣偃王之無骨或囚饕餮於三
危放槃瓠於石室雖武落文離風披雨漉若一
張而一弛乃三推而三解也

皇帝握璇衡而運斗秉璣鈴而振樞闢八夤以爲門
則金犛服輓包九環以合宙則石馬負圖聲靈
烜赫震於無雷光華照臨燦於倒景月窟含耀
燭龍厥角惟金川莎羅奔狼卡者僖耳聾聽從
目盲眎廩君化虎遂敢咆嗥九隆背蛟亦能赴
蜈乃厲鼈令之魂欲并旄牛之種忘白狼金印
之賜背黃龍清酒之盟雖其焦螟麼類不足以
血

天鋒龍蛇荒窟不可以營雲衛然而蠶食漸於青衣
狼烟驚於玉壘豈可使蚩尤稽九伐之威鬼方
厲三年之討昔惟師行宿留未卽抵巇遂至賊
醜降肛欲圖負固

皇帝赫然震怒

簡命元臣宜社禡牙推轂餞罽

天策剛斷控

龍御而執乾符

廟算閔深肅神謀而運坤軸期門伏飛之卒超乘而
先髻髻戴鷗之夫投石而躍爰率禁旅以先啟
行招搖西指已彈鳳麟之洲辰星東赤遂毀蠻
夷之廟千乘電掣萬騎雷轟挾日而馳萬里碾
周穆七萃之軍追風而凌九折轢漢武五道之
將赤羽青鑣翼若天鳥之巢狡獫鯨鎧攫網銅
頭之獸龍淵太阿之劍

錫自上方辟邪六駁之旗麾於南極乃有醜類惡物

比周弗順良吉外姦阿扣內宄雖爲我之臣隸
實作賊之羽毛多魚之師誰漏定是洵奸絳市
之屍忽蘇豈非鬼蜮是時元戎甫蒞

天討遂申血已釁於鑿叢首更梟乎罕纛黜額朱殷
飛頭不返蠻乃膽褫魄墮狼寔熊顛彼酋之體
三分我軍之氣百倍惟時

皇帝穆然璇題玉英之中周乎熊耳雞頭之表自夜
不寐每盡虬漏吐珠昧爽丕顯不待雞人嘑旦

地形險阻無不矚聞士卒辛勤盡皆聆際故勝
慮獨決於元堂而指劃合符乎萬里將相勦力
偏校用命於是進攻昔嶺再搗巴郎飛箭連珠
狀頰虬之拔五岫焱車火傘若霹靂之破叩嶮
比鴛鴦之銃不翼而搏非犀象之燧無蹠而擘
礮石交加戰礪立碎酋乃竦心北首回面內向
陳露犬與純牛獻寶布與罽毳願縻長纓而道
巨闕銜璧玉而脫昆吾掃彼三窟之營奉我六

事之約然而鴟鵂晝瞑雖覆而不出危巢狐貉
性疑將擒而尚顧舊穴是以螳螂之臂已折於
當車踰蹬之鱗欲伏而死浪

皇上體天地之心符亭育之化上德不殺神武止戈
皇太后念西南練卒必有憚人而羌氏來朝皆吾赤
子欲湔其舊染與之惟新武攘文綏兼幘並覆
天子開蛛蝥之網而將相厲雷霆之威將鑒戮其封
豕長蛇而耀靈於碧雞金馬賊酋阻義赧仁乞

鄰求說迎我偏師入其重險臣鍾琪憑仗

天威克伸信義酋乃如藟吟嚶如解狂營謹譟震天
扶服額地牽乘黃茲白之馬獻青壁白玉之漿
貫胸之國拔鏃知恩離身之民抱頸感德時當
勞面內首之期再奉綏衣授弓之

詔日在奎維月軌青陸雷電啟蟄之始句芒發生之
初酋乃除道治壇降於中軍之壘相遂攝衣升
幕麾乎羽林之軍揮斥則礮礮飛睨叱咤則豐

隆助擊乃進銀燭黃膏出自蘭滄之水朱提白
霧湧於珍瓏之中寶鏡金軀五獅之搏醉象星
毫銅爪靈鷲之御飛蛟悉索其琛跽而輸款而
且卉服熊冠錦髻象額瓢笙鼓角鞞鞶侏離莫
不駛舌喁口踏歌連臂金甌之費旣却玉璫之
廟是崇縲兇獷以馘囚犯鋒者草薶入子女爲
臣妾服隸者生歸黑齒白民踰九菌而受吏黃
支烏弋會百濮而賓將爰囊麟角之弧遂脫虎

賁之劍爾乃

優賞崇功酬勞勲勅爵上公而服九命

錫豹尾而勒太常奏凱樂於朱鷺赤蛟鼓鐃歌於白

麟丹雁告乎

陵寢則步禹跡以觀

光欽于

慈寧則奉嬣徽而上

號開明堂以受朝賀

命鞶象以著職方

天文彪列揭七曜於辟廡

日氣煥黃駢五精於太學是則金繩瓊檢不必東鑒

白環紫玉自來西極

臣

忝列台衡備司

綸綍

帝猷天緯親覲耳目指麾掌握近迓

神靈恭維

至尊之勤勞適當萬方之凱豫

宸慮浹乎始終非羣臣所備悉

穆光動乎咫尺宜率先以作歌謹獻鼓吹之曲用繪
乾坤之容

皇武耆天門開熒流沙爍丹崖月蝕之西輿鬼維有
獸狙獷行駭駭髹脰血膊刀不割於

皇師羆熊羆白髦虎爪參觜觜屠天狼掃機槍鯨魚
之屍凌波僵駟不順來我降

一章

禽睢盱稽

王誅趨距犄角首不鉏

皇赫怒揮金戈相受神柄厲鎮邪

皇謨內定橫天摩

二章

師行萬里捷于弧矢凌蜀跨巴飛驤乎玉壘

皇神武將相厲手驅熊羆搃瘕獒誅其腹心墮肝肺

昔嶺隳巴郎碎雷霆孽山巨礮礪

皇靈澶漫天地外

三章

蠻勢剗懼誅拔如鳥將墜羽之裔勁箭欲加雕翮鏃

解翎脫距不可活

王師嘽嘽采且撻

四章

皇帝有命降其克奔陰以搏斲陽以噓歆戈矛歸武
庫弓矢弭橐韃鎗鐵與戮劉各無朱殷痕東尉建日
出西候置崑崙赦彼陸梁罪歸我壽養恩

五章

相帥虎臣如虓斯闕壓於其微利用伐斬垢不可濯
若面之蠱毒則有蠱螫則有蠱獫豸當畜困獸當檻
取其鯨鯢以削天嶮

六章

我有驍桀將徼外知姓名單騎入狡窟欲以長鬚縶
示以相燁濯告以

皇威明燁燁虎符節熊羆龍旂旌鵬鸞石棧道金鑿
耀日晶乞降須授首後至則以烹蠻衆咀且駭扼臍
暗不鳴要當卽縲頸敢死嬰

天兵 七章

蠻酋扶服旣來怛我

王旅如雷除壇張幕崔嵬白羽赤纛交磨椎髻冠以

熊皮毳服斑蘭披離獻我黃金朱提奉以質佛金資
廟成世世祝禱

皇靈睽暘西陲

八章

金川跳踉

皇武劄旣降而歸

皇所監將相晉爵豹尾多衣錦繡袞龍鱗嵌韜甲縉
帶光金緘虎賁闐戟疾走颿乃考王會圖監僞權扶
魚復超若龜大開明堂羅旌慘格于

寢廟陳天誥

慈宮上號色以誠豐碑隆碣排廊殿

帝文照耀聲風泚歌以凱奏諧

英威九章

南巡

聖德歌十章

謹序

于敏中

臣

敏中稽首頓首言

臣

伏見

皇帝卽阼以來紹庭闡繹式訓四方庸庸祗祗不遑

暇逸爰乃東歷遼瀋瞻

天作之基旋祀闕里至於岱宗西登五臺中陟嵩高

惟是東南一隅翹企望

幸迺以辛未首春

詔舉南巡之典恭逢

聖母崇慶慈宣康惠敦和皇太后六旬萬壽鴻休所

播紛綸衍溢億人兆人迎

鑾歡呀以尊以養古無比倫

臣

敏中生長江南比復

蒙被

渥恩司兩浙學政凡昔

聖祖仁皇帝駐蹕之地幸嘗厯睹仰讀

聖訓及

御製詩章垂休金石麟麟奕奕照灼來許越不可載
已伏惟天之復旦日之再中適當

今日古者天子巡狩厥有太史採風陳詩其傳諸

雅頌若卷阿時邁諸篇辭事尤偉

臣

敏中自忖

文辭謏陋不足以宣雅正美形容而職在獻納
又奉侍

內廷不勝慙慙之愚謹撰

聖德歌十章誠欲頌述

皇帝法

祖勤民至仁大孝以垂上則記曰言之不足故長言

之

臣

愚竊願自附於長言之義謹稽首頓首以

獻

繩

武繼序皇也

聖祖時巡東南德澤滂沛迄四十載我

皇纘緒實駿惠焉歌

繩

武篇

聖繼

聖兮宣重光麗離照兮燭萬邦昔我

聖祖兮肇巡方龍旗大輅兮來煌煌撫禹甸兮阜且
昌潤淮海兮溥滂洋民永慕兮思不忘續承

祖烈兮猗歎我

皇廓帝典兮恢王綱億萬載兮膺天慶

祝

釐頌萬年也

皇帝聖孝尊親順成休慶祇奉

聖母安輿臨幸吳越懽欣抃舞萬里同聲歌祝

釐篇

軒邱誕瑞凝瑤光思齊篤慶開周祥五福曰壽壽而
康重光協洽綿昌辰

慈寧上壽紀六旬承歡萬國來臣民以天下養養乃
尊惟南有星壽應之

王母介福歌祝釐祝釐之歌歌東南江湖海日厚載
含曰萬萬步嵩呼三祝釐之歌歌南東吳歆越吟歡
慶同曰萬萬歲三呼嵩

覽風勤卹民也

上軫念南服

翠華載臨省覽風土慰臣庶望

幸之忱歌

覽風篇

瞻三光企九重侯不邁民喁喁

天闔開訝鴻洞

叶

帝之臨來雍容經冀竟

莅徐揚于胥原陟崇岡江河海流湯湯春滂洪蕃百
昌男隴晦婦蠶桑都人士殷阜康

帝之臨民則喜就日雲協風雨

叶

衆熙熙

皇樂豈

觀河重隄防也

上周視河工

指示經畫爲民居漕運計長久焉歌

觀河篇

導河源兮崑邱經千里兮安流挾長淮兮如帶播靈
潤兮永賴滙湖水兮注河洪淋淋兮揚波建金隄兮
一綫束洪濤兮竹箭竹箭束兮波平泝長渠兮瀾盈
惟我

皇兮莅止歷河濬兮周眎望淮浦兮眇眇高與下兮
錯陳誕訐謨兮

渙號惠田廬兮轉漕河伯翕兮效靈奏恬瀾兮底寧
阜民念民生也

六飛所至

賜復蠲租恤農通商人以休裕歌

阜民篇

若稽帝舜五載聿巡三事六府惟修惟和

叶

柔遠能

邇以康兆民坦坦六宇瀕瀕四海

帝臨來莫民跂而待於越勾吳三江五湖成賦則壤
或期而輸或貢而逋我

皇卹之民氣其舒民氣其舒我

皇之仁肅肅

帝命無擾我人暵之以日煦之以春

德澤浹洽蒙被無垠可以阜財薰風自南

叶

作人樂育材也

詔廣江浙博士弟子員諸生獻賦者

親試而登用之歌

作人篇

瞻仰雲漢兮垂光三辰世平

主聖兮謨謨吉人

帝勤時邁兮觀乎人文謳歌載路兮風詩式陳東南
之美兮竹箭有筠呈材較列兮引墨運斤乃拔其尤
兮千人之英揚於

王廷兮百朋之珍增廣膠序兮登彼秀民惟野芃芃
兮是標是薪吾

皇壽考兮于胥樂訢

考政勵有位也

上觀民省方考詢羣吏激揚董治人懷靖共庶政咸

理歌

考政篇

皇帝清問吏民三考黜陟幽明

叶

羣后輯瑞肆覲

叶

周咨度謀諏詢曰惟民隱是陳敬爾有位在勤綏和
養教拊循

王言如綽如綸案行舉賞褒功

叶

皇哉穆穆四門百

僚師師撫辰唐虞至治聿臻兆民賴於

一人

展祀大報功也

上南巡會稽薦禮禹廟官妣氏後旋

蹕江左設奠明陵歌

展祀篇

四隩兮芒芒畫九州兮井疆江海兮安流緬神功兮
夏王南上兮會稽金庭兮玉房畫龍蛇兮古壁緣斗
拱兮梅梁敷文命兮儉勤紹心法兮我

皇明德兮薦馨肥牲牲兮饌香春秋兮享祀苗裔兮

是承叶旋

駕兮越都迴

巡兮建康故陵兮杳杳親酌兮椒漿松柏兮森森樵
蘇兮勿傷允歡洽兮神人汜夷漢兮萬方肆展祀兮
稽古永流慶兮無疆

行慶廣德惠也自啟

駕至迴

鑾復職賜爵賞賚兵民之

詔凡數十下歌

行慶篇

穆其懿兮百禮備兮

皇帝孝德塞天地兮嘉承天和

洪恩暨兮函蒙祉福慶有位兮或錫鞶帶逮放棄兮

或賜之爵榮冕紱兮捧執轂帛被黃髮

叶

兮慎簡軍

實卹將士

叶

兮巍乎蕩蕩永不匱兮驩歌騰天遮旋

蹕叶兮我

皇巡狩普德施兮流慶萬禩垂休烈叶兮

敦俗美風教也江浙習尚侈靡

勅有司大吏丁寧勸誠共返淳樸以躋盈寧之慶

聖化風行民徧德焉歌

敦俗篇

頌歌般風吹豳觀民設教

巽命申夾道迎

鑿聚童叟杖者拜前少者後江南土沃殷財賦戶口
年年新倍故地大人多習俗奢闐城溢郭趨繁華越
之視吳風稍樸蓋藏均未盈篝車大哉

王言戒有土訓俗宣風勞振撫有餘不足皆常經儉
則能留勤可補吳會山川壤錯連耕田鑿井歌

堯年昭和化國民熙然

勲華日月懸

中天

聖駕東巡恭謁

祖陵樂府八章

謹序

劉綸

臣綸言

臣

聞頌以美盛德之形容尚已若其宣

金石被箎絃可以揚對閔床臚聲纂實則樂府

爲近伏惟

皇帝陛下孝治顯融涵浹區寓自

郊兆

宗祊

奉先

神御寅承饗祀必謹必時尤以典重上

陵歲大淵獻

乘輿躬親展事霜降露濡聿周星紀

宸衷弗懈益虔迺以今年仲夏祇奉

慈寧發軔

畿甸會西戎襁屬內面卽熱河

行在受之凡名王侍子材官介士罔不擁塗聚觀

告語懽喜旣道藩部遵吉林表延黃龍逕抵元
菟

獮狩於邊門之外順天行儲乾豆遂撰辰夙戒晉格
乎

橋山壹準八年定制而

宸儀遂穆優輿之忱有加焉所過升柴胙蠶

嶽鎮景從還詣

留都班朝酺讌給復宥胥

錫類咸暨懋懋哉文教武功和衆勤民風聲之樹如

彼率

祖尊

親受釐集福元會之隆若此顧臣軫薄得塵

陪扈預駿奔仰觀

聖上淵懷睿照於

兩京淳龐舊俗細及一名一物皆毋忘桑梓敬共

之義至夫

列祖張皇六師川原勝蹟壁壘猶存輒

弭節披圖遲迴不忍遽去所以緬

勩業之維艱知守成之不易

長言諄復用永迪此丕丕基而

達孝之歸孰大乎是嘗攷安世歌曰大孝備矣休德

昭清又曰大矣孝熙四極爰轅斯之謂備斯之

謂無不轅也

鑾回葢成百執胥効賡載

臣

竊仿近古樂辭仍其譜

調有合者都爲八章庶幾副在太師肄以舞萬

擬練時日第一

茂典載修良辰協吉初發

京師也

練時日開

天閭

大安輿豫且康霽雲載珥羲輪黃朱明勇與

前驅旌纛長禾黍蕙蒲扇飭熏奠茨茲甘澍鼓腹于

于

堯樽在衢佇

屬車免所過租

擬石留第二

駐輦

避暑山莊

賜來降都爾伯特台吉車楞等宴九賓具列萬國交

驪也

石留狼脬蒼蒼涼涼西崦疏屬不得睹

日月光蟻封蝸角徒相戕率所部言瞻

聖明叶披以冠裳哺以糗糧

天度兼覆宜來慶

擬艾如張第三

行圍塞垣別部邏卒輻湊

聖武昭軍儲繕也

刈蘭以爲防張莽賈之野一綫柳條邊遠勢亘人而

寸馬田獲三膘貫左

叶

集盧荻馳飛走雨下

上日射黃熊殼

和弓膨脬草植駝偃峯倚盾鼻

丹毫濃樞府

進牘催郵筩

擬上陵第四

謁祭以時

葵章允洽道隆光裕弗祿永膺也

帝上

永陵

四祖茲式憑嘉樹
粉翠葆萬葉珍符凝

帝上

福陵

高廟龍湖興永懷
十三甲

神器開咸登

帝上

昭陵

文皇宏顯承小白蹀躞大白騫騰垓埏疆索時乘

隆儀一再舉

法守詒雲初

擬巫山高第五

望秩

神山懷柔徧也

巫山高鎮北絃重關鎖鑰左界相搪撐越若脈延祖

氣

長白先儲精初

上之吉林升溫德亨齋房三盟調六莖龍江似帶鴨
水如纓青羸髻失雲中君雪峯了了一霎開秋旻

擬邕熙第六

兩京德產之富甲於天下

上采覽古風型方訓俗義深遠也

邕熙時樂莫樂煌煌

京雒冠蓋日相索貂紉貴者裘褻刷僊人藋窩集木
通天烏喇魚縱壑蟠孕珠胎還應魄

帝曰咨先民儉德尚克知糠鎰堪夜作樨屋好晨炊
枌榆雞犬紛來思樂莫樂邕熙時

擬聖人出第七

龍興肇迹

祖烈長存變伐所經風雲增勝周原

諮度溯

開基勤績服也

聖人出開鴻濛三城九姓始造攻夜郎敢自大幕南
各各王庭空鐵嶺西凌河東號稱百萬軍聲雄試問
將者誰喈喈祖與洪

天戈一以指京觀皆沙蟲彼哉過沛歌大風何如松
杏間陣雲髣髴驅豐隆

擬朱鷺第八

御盛京

崇政殿

推恩行慶申載錫頌

重光也

朱鷺飾鼓崇牙樹羽

豐宮樂

帝臨八荒通牖戶

頒政十亭前納言二木下

叶

儀聖阿閣三重階

大弓貝冑東西序羣公蹈舞彤墀請圖王會傳之父

老嘽嘽前致辭

陛下萬萬歲星迴於次念我旦旦期重來

叶